

Broj: 1553/22

Tešanj, 24.10.2022.godine

Na osnovu člana 41. Zakona o preuzimanju dioničkih društava (Službene novine Federacije BiH, br.77/15) i članova 6. – 14. Pravilnika o postupanju kod preuzimanja dioničkih društava (Službene novine Federacije BiH, br.101/15 i 29/17), objavljuje se :

MIŠLJENJE

**o Ponudi za preuzimanje društva "Pobjeda" d.d. Tešanj
od strane ponuđača "HIFA-PETROL" d.o.o. Sarajevo u zajedničkom djelovanju sa : Ahmetlić
Ahmed, Ahmetlić Muharem i Hozić Ibrahim**

Nadzorni odbor i Uprava društva "Pobjeda" d.d. Tešanj su upoznati sa Ponudom za preuzimanje ciljnog društva "Pobjeda" d.d. Tešanj od strane ponuđača "HIFA-PETROL" d.o.o. Sarajevo u zajedničkom djelovanju sa : Ahmetlić Ahmed, Ahmetlić Muharem i Hozić Ibrahim.

Ponuda za preuzimanje se odnosi na preostalih 281.184 redovnih (običnih) dionica ili procentualno 59,9264% dionica ciljnog društva "Pobjeda" d.d. Tešanj, nominalne vrijednosti 40,00 KM, koje u trenutku davanja Ponude za preuzimanje nisu u vlasništvu Ponuđača.

Ponuđena cijena po jednoj dionici iznosi 6,80 KM, što predstavlja 17,00% od nominalne vrijednosti dionice.

Rok važenja ponude za preuzimanje je 28 dana od dana njene objave u dnevnim novinama.

Ukoliko su ispunjeni svi uslovi iz Ponude za preuzimanje, dionice ponuđene na Ponudi bit će kupljene i plaćane u roku od sedam dana od dana isteka trajanja Ponude po cijeni navedenoj u Ponudi za preuzimanje. Plaćanje će se izvršiti preko Registra vrijednosnih papira Federacije BiH.

Ponuda za preuzimanje je objavljena u dnevnim novinama "Dnevni avaz" i "Dnevni list" dana 20.10.2022.godine.

Osnovne informacije o Ciljnom društvu :

"Pobjeda" d.d. Tešanj, Poslovna zona Bukva 3, 74260 Tešanj, temeljni kapital 18.768.600,00 KM podijeljen na 469.215 redovnih (običnih) dionica nominalne vrijednosti 40,00 KM.

Vlasnička struktura Društva :

- pregled prvih deset najvećih dioničara prema stanju na dan 18.10.2022.godine :

Naziv vlasnika	Procenat sa pravom glasa
AHMETLIĆ AHMED	11,6642
AHMETLIĆ MUHAREM	10,2177
HOZIĆ IBRAHIM	10,1084

HIFA-PETROL d.o.o. SARAJEVO	8,0833
KOTORIĆ KASIM	8,0792
JUNUZOVIĆ PAŠA	6,7146
BEJĐAKIĆ KASIM	6,6123
SMAJIĆ NEJRA	6,6057
SALKIČEVIĆ ISMIR	4,5551
MISIMOVIĆ SENAD	0,6914

Mišljenje o vrsti i visini ponuđene naknade :

Ponuđač je dana 08.12.2019.godine u dnevnim novinama "Dnevni avaz" objavio Obavijest o namjeri objavljivanja ponude za preuzimanje preostalih 281.184 dionica, što čini 59,9264% dionica ciljnog društva "Pobjeda" d.d. Tešanj, te u dnevnim novinama "Dnevni list" dana 09.12.2019.godine", čime je po zakonu za Ponuđača nastala obaveza objavljivanja Ponude za preuzimanje ciljnog Društva.

U periodu od godinu dana prije dana pomenute objave Obavijesti o namjeri preuzimanja, prema obavijesti Sarajevske berze vrijednosnih papira broj: 1-03-656/19 od 20.12.2019.godine minimalna cijena po kojoj se trgovalo dionicama društva "Pobjeda" d.d. Tešanj u navedenom periodu je bila na dan 21.02.2019.godine po cijeni 4,40 KM, a maksimalna cijena po kojoj se trgovalo dionicama društva "Pobjeda" d.d. Tešanj u navedenom periodu je bila na dan 13.09.2019.godine po cijeni 6,80 KM.

Komisija za vrijednosne papire FBiH svojim Rješenjem broj: 04/1-19-305/19 od 12.10.2022.godine odobrila je Ponuđaču objavljivanje Ponude za preuzimanje ciljnog društva "Pobjeda" d.d. Tešanj, što potvrđuje da je ponuđena cijena u Ponudi za preuzimanje u iznosu 6,80 KM po jednoj dionici formirana na način kako to propisuje Zakon o preuzimanju dioničkih društava.

S obzirom na navedene podatke kao i na činjenicu da je ponuđena cijena formirana u skladu sa Zakonom o preuzimanju dioničkih društava, Nadzorni odbor i Uprava ciljnog društva "Pobjeda" d.d. Tešanj su mišljenja da je cijena iz Ponude prihvatljiva.

Mišljenje o namjeri ponuđača u pogledu budućeg poslovanja ciljnog društva i strateškim planovima ponuđača :

Iz Ponude za preuzimanje proizilazi, da nakon uspješnog provođenja Ponude za preuzimanje :

Ponuđač namjerava preuzimanje vlasništva nad Ciljnim društvom u 100% iznosu, s ciljem unapređenja poslovanja Ciljnog društva, zadržavanja djelatnosti, jačanja svoje pozicije u vlasničkoj i upravljačkoj strukturi, upravljanja Ciljnim društvom u pravcu njegovog daljeg razvoja, te povećanja poslovne aktivnosti Ciljnog društva. Strateški plan Ponuđača je da značajno unaprijedi poslovnu strategiju, što podrazumjeva povećanje obima poslovanja, povećanje produktivnosti i rentabilnosti Ciljnog društva i njegovo unapređenje u dijelu vršenja djelatnosti. Osmišljenom politikom upravljanja Ponuđač želi postići razvoj, unapređenje i inovacije u cilju proširenja tržišnog djelovanja Ciljnog društva. Preuzimanje neće imati negativnog utjecaja na politiku zapošljavanja i ravnopravan status zaposlenika Ciljnog društva. Ponuđač nema namjeru vršiti promjene u vezi uprave i nadzornog odbora Ciljnog društva.

S obzirom na navedeno Nadzorni odbor i Uprava ciljnog društva "Pobjeda" d.d. Tešanj su mišljenja da je Ponuda za preuzimanje pokazatelj Ponuđačevog opredjeljenja za dalji razvoj i jačanje društva "Pobjeda" d.d. Tešanj u svim sferama poslovanja.

Izjave članova uprave i nadzornog odbora o njihovoj namjeri da ponudu za preuzimanje prihvate ili odbiju :

Nadzorni odbor i Uprava ciljnog društva "Pobjeda" d.d. Tešanj smatraju da se Ponuda za preuzimanje provodi u skladu sa Zakonom o preuzimanju dioničkih društava, te da je s tim u vezi u cjelosti prihvatljiva.

Navodi o postojanju sporazuma sa ponuđačem :

Ciljno društvo "Pobjeda" d.d. Tešanj sa Ponuđačem nema zaključen bilo kakav sporazum, niti su sa Nadzornim odborom i Upravom vođeni bilo kakvi pregovori u vezi sa preuzimanjem Ciljnog društva.

Konačan stav ciljnog društva u vezi sa objavljenom ponudom za preuzimanje je :

Prema našem uvjerenju i u skladu sa svim našim saznanjima i podacima kojima raspolažemo, izražavamo pozitivan stav u vezi sa objavljenom ponudom za preuzimanje ciljnog društva, te obavještavamo dioničare da ovo mišljenje ne prikriva podatke od materijalnog značaja i ne sadrži podatke ni informacije koje bi u pogledu objavljene ponude za preuzimanje dioničare mogle da dovedu u zabludu.

Izdvojen stav uprave i nadzornog odbora :

Nema izdvojenih stavova ni jednog člana Nadzornog odbora ni Uprave. Svi članovi Nadzornog odbora i Uprave ciljnog Društva saglasni su sa tekstom ovog mišljenja, koje potvrđuju svojim potpisima :

Nadzorni odbor :



Kasim Kotorić, predsjednik




Muharem Ahmetlić, član




Ahmed Ahmetlić, član


Uprava :



Elvedin Čosatović, direktor



Armin Čostović, izvršni direktor



Himzo Smajić, izvršni direktor





SINDIKAT METALACA Federacije Bosne i Hercegovine
SINDIKAT METALACA ZE-DO Kantona
SINDIKALNA ORGANIZACIJA
„POBJEDA“ Tešanj

POBJEDA d.d. Tešanj



PREDMET: Mišljenje sindikalnog odbora

Poštovani,

Vezano za Vaš akt od 24.10.2022.g. odnosno potencijalnu promjenu vlasničke strukture, za radnike Pobjede d.d. Tešanj bitne su samo tri stvari:

- Rast plata i kontinuirano poboljšanje uslova rada svim radnicima,
- Očuvanje radnih mjesta i otvaranje novih, rast i razvoj fabrike,
- Poštivanje sindikalnih sloboda i međusobno uvažavanje.

S poštovanjem,

Tešanj, 25.10.2022.godine.

Sindikata Pobjeda d.d. Tešanj
Ismir Salkičević, predsjednik



Dostavljeno:

- Pobjeda
- Arhiv